



Broj: 09-14-3142/17

Velika Kladuša, 18.01.2018. godine

Na osnovu člana 70. Zakona o javnim nabavkama BiH („Službeni glasnik BiH“, broj: 39/14), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu Konkurentskog postupka prikupljanja ponuda za "nabavku komunikacijske opreme za potrebe Službe civilne zaštite Općine Velika Kladuša", a na osnovu preporuke Komisije za javne nabavke, Općinski načelnik Općine Velika Kladuša, donio je;

### **ODLUKU** **o dodjeli Ugovora**

1. Ponuda Ponuđača „**Telegroup**“ **d.o.o. Banja Luka** proglašava se najpovoljnijom, te se imenovanom Ponuđaču dodjeljuje Ugovor o nabavci "komunikacijske opreme za potrebe Službe civilne zaštite Općine Velika Kladuša".
2. Ugovorni organ će istovremeno uz ovu Odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke, u skladu sa članom 71. Zakona o javnim nabavkama BiH.
3. Po pravosnažnosti ove Odluke, Ugovorni organ će pozvati izabranog Ponuđača radi zaključivanja Ugovora kojim će se regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### **O b r a z l o ž e n j e**

Na osnovu Obavještenja o nabavci, broj: 299-7-1-77-3-27/17, objavljenog na stranici Agencije za javne nabavke dana 28.12.2017. godine i provedenog **Konkurentskog postupka** prikupljanja ponuda za javnu nabavku "komunikacijske opreme za potrebe Službe civilne zaštite Općine Velika Kladuša", prema specifikaciji navedenoj u tenderskoj dokumentaciji, proveden je postupak prikupljanja ponuda, analize i ocjene ponuda.

Analizom ponuda, primjenom kriterija „najniža cijena tehnički zadovoljavajuće ponude“, Komisija je Izvještajem, broj: 09-14-3142/17, od 16.01.2018. godine, utvrdila da Ponuđač Mibo Komunikacije d.o.o Sarajevo ne zadovoljava zahtjeve iz tenderske dokumentacije, te je s toga prvoplasirana i ekonomski najpovoljnija ponuda Ponuđača „Telegroup“ d.o.o. Banja Luka, sa cijenom od 24.573,14 KM, sa PDV-om, te da ista u ekonomskom i tehničkom smislu u potpunosti zadovoljava zahtjeve Ugovornog organa, pa je shodno tome data preporuka da se donese Odluka o dodjeli Ugovora navedenom Ponuđaču.

Naime, u skladu s članom 49. Zakona o javnim nabavkama BiH Ugovorni organ je tenderskom dokumentacijom broj: 09-14-3142/17 od 26.12.2017. godine, tačkom c) 2. propisao da ponuđač, da bi učestvovao u konkretnom postupku javne nabavke, mora zadovoljavati određene uslove sposobnosti obavljanja profesionalne djelatnosti i odredio koje izjave i dokumente kao dokaz je potrebno dostaviti. Tačkom c) 2. g. propisano je da ponuđač treba dostaviti važeće originale ili ovjerene kopije certifikata integrisanog sistema upravljanja ISO 9001:2008 i ISO 27001:2013 ili dokaz o ekvivalentnim mjerama

osiguranja integrisanog sistema upravljanja a pod kojim se smatraju standardi za kvalitet i bezbjednost informacija, koji podrazumijevaju ispunjenje istih osnovnih zahtjeva kao traženi standardi.

Uvidom u ponudu Ponuđača **MIBO Komunikacije d.o.o Sarajevo**, utvrđeno je da nisu dostavljeni dokazi na način kako je naprijed traženo odnosno da nije dostavljen važeći certifikat standarda ISO 27001:2013 ili dokaz o ekvivalentnoj mjeri osiguranja navedenog standarda. Ponuđač **MIBO Komunikacije d.o.o Sarajevo** je dostavio potvrdu od 08.01.2018. godine, izdatu od strane Bureau Veritas BH d.o.o. u kojoj se navodi da će se certifikacija Ponuđača **MIBO Komunikacije d.o.o Sarajevo** za standard ISO 27001:2013 obaviti u narednom periodu. U tom smislu potvrda ne predstavlja dokaz o ekvivalentnoj mjeri osiguranja standarda ISO 27001:2013 već informaciju da je ponuđač u postupku uvođenja primjene navedenog standarda, dakle još uvijek nije certifikovan da isti primjenjuje u svom poslovanju. Osim toga, u potvrdi nije naveden datum kada je zakazan termin održavanja nadzorne provjere niti je u tom smislu moguće utvrditi do kada će sam postupak uvođenja trajati, kao ni da li će pri prvoj nadzornoj provjeri kandidat dokazati da primjenjuje sve zahtjeve traženog standarda da bi bio certifikovan ili će biti utvrđene određene neusaglašenosti sa rokom do kada trebaju biti otklonjene.

Na osnovu navedenog ponuđač **MIBO Komunikacije d.o.o Sarajevo** nije ispunio uslove za kvalifikacije propisane tenderskom dokumentacijom, zbog čega je isključen iz daljeg učešća u predmetnoj nabavci i njegova ponuda nije uzeta u razmatranje.

Cijeneći navedeno odlučeno je kao u dispozitivu.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele Ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač: Denis Pajazetović  
Kontrolisao: Senad Okanović

DOSTAVLJENO:

1. Svim učesnicima postupka,
2. Komisiji za nabavke,
3. U spis,
4. A/a.

OPĆINSKI NAČELNIK  
Filket Abdić, dipl.ing.

